

Թիւնս Ետուն պատասխանի, ոչ դրամ ունիմք և ոչ հրաման 'ի Ծերունեաց, պատրաստ եմք 'ի բանս և 'ի մահ, ողջ լիցի Թագաւորն. զի ազգն Հայոց ոչ երբէք լքանէ զբառաստան իւր վասն երկուց ոմանց լքելոց. միթէ լուէ՞ Տէրութիւնն առ այս: Եւ ապա միջնորդութեամբ Հրէին գնացին առ Քեահեայն ներումն խնդրել և տալ միջոց ժամանակի գրել յԵրուսաղէմ և սպասել պատասխանի: Եւ նա ասէ՝ արք երեւելիք և պատգամաւոր եկեալ էք աստ 'ի կողմանէ վանաց, որպէս մեք՝ և Ծերունիքն իսկ գրեալ էին: Նոքա ասեն՝ յուսացեալ նոցա յԱստուած և 'ի ձեզ գրեցին և առաքեցին զմեզ վասն գործոյ Ծննդեան և Աստուածածնի, և զխոստացեալ դրամն մուրհակաւ հատուցանել 'ի պայմանեալ ժամանակին: Ասէ՝ ահա առաջի ձեր է ձանապարհ Երուսաղէմի, որպէս եկիք, այնպէս գնացէք. գիտեմ զեղանակն առնլոյ զդրամն, և թերեւս աւելի. ելէ՛ք ելէ՛ք աստի: Նոքա ասեն եթէ սիրով չարձակես զմեզ, ո՞րպէս կարեմք ելանել, և բաց 'ի քէն առ ո՞վ երթիցուք. Եւ ելեալ նոցա արտաքս մինչ խորհէին առանձին, կոչեաց Քեահեայն զՍարգիս վարդապետ միայն 'ի ներքս և հարցանէր զի՞նչ սիրոս վարդապետէ, թէ ո՞վ իցէ այրն՝ այնքան համարձակ և ճարտար 'ի բանս իւր. և նա ասէ մին 'ի բազմամեայ վաստակաւորաց Հարց Աթողոյն, և ամս և վաստակեալ ընդ գլխաւորս ազգին 'ի Կոստանդինուպօլիս 'ի դատին Յունաց, հմուտ ամենայն եղելոց իրաց. ասէ՝ աստ չգօրէ ինչ ճարտարութիւն բանից: Այս եղև 'ի մատնութենէ Յունաց, զի 'ի վազուց անտի ռխացեալ էին ընդ նմա և կամէին արկանել զնա 'ի վտանգ, այլ նոցա զանց արարեալ զնովաւ գնացին առ Ոստիկանն եւ պատմեցին նմա որ ինչ եղևն. և նա ասէ՝ բազում ինչ խօսեցայ ընդ Բդեշխին, այլ այժմ 'ի ծանրութենէ տկարութեանս ոչ կարեմ պատմել, յորժամ եկես՛քք 'ի վազիւ՝ պատմեցից, մեկնեցան 'ի վանս:

Եւ 'ի գիշերին յայնմիկ ծածկապէս իմացան զպատրաստիլ գրոցն Յունաց և 'ի վազիւն տալ նոցա 'ի ձեռն Քարտուղարի Հրէի, որոյ առանձին գրեալ էր փոխանորդն Լատինաց յԵրուսաղէմէ գիտել զգործս Յունաց: Եւ ընդ առաւօտն աճապարեալ գնացին առ Ոստիկանն, և նա ա-